

**KABINET GENERALNOG DIREKTORA**

GENERALNA DIREKCIJA

Broj: 01-13.73-8699-21/17  
Sarajevo, 16.06.2017.godine

Na osnovu člana 46. Statuta, člana 70. Zakona o javnim nabavkama BiH ("Službeni glasnik BiH" broj: 39/14), i člana 14. stav (1) Pravilnika o javnim nabavkama "JP BH POŠTA" d.o.o. Sarajevo, broj: U.D-01-3.2-5233/15 od 04.03.2015. godine te preporuke Komisije za nabavku usluge servisiranja šalterskih sredstava (mašina za žigosanje i vezivanje svežnjeva) broj: 01-13.73-8699-20/17 od 16.06.2017.godine, Generalni direktor "JP BH POŠTA" d.o.o. Sarajevo dana 16.06.2017.godine, d o n o s i:

**O D L U K U  
O IZBORU NAJPOVOLJNIJEG PONUĐAČA****I**

U postupku javne nabavke **usluge servisiranja šalterskih sredstava (mašina za žigosanje i vezivanje svežnjeva)** ovom odlukom vrši se izbor najpovoljnijeg ponuđača: „**BIROFORM DNS**“ d.o.o. Sarajevo, sa ukupnom vrijednošću ugovora od **9.157,90 KM bez uračunatog PDV-a odnosno 10.714,74 KM sa uračunatim PDV-om.**

**II**

Po okončanju roka za žalbu odnosno po pravosnažnosti ove odluke, ugovorni organ će pozvati izabranog ponuđača, radi zaključenja ugovora kojim će se regulisati međusobna prava i obaveze vezane za predmetnu nabavku, u skladu sa zahtjevima - uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

Izabrani ponuđač je dužan u roku od 5 dana od dana prijema ove odluke dostaviti dokaze predviđene članom 45. Zakona o javnim nabavkama u formi i sadržaju kako je to zahtijevano u tenderskoj dokumentaciji ovog postupka nabavke. Dokazi moraju biti fizički dostavljeni na Protokol ugovornog organa najkasnije peti dan po prijemu odluke o izboru, u radnom vremenu ugovornog organa (do 16 sati), te za ugovorni organ nije relevantno na koji su način poslani. Dokazi koji se zahtijevaju moraju biti originalni ili ovjerene kopije.

**O B R A Z L O Ž E N J E**

Na osnovu Odluke o pokretanju postupka javne nabavke U.D. 01-3.2-8990/17 od 30.05.2017.godine Komisija je provela postupak javne nabavke, putem konkurentskog postupka u predmetu nabavke usluge servisiranja šalterskih sredstava (mašina za žigosanje i vezivanje svežnjeva), sa objavljivanjem Obavještenja o nabavci, broj: 238-7-2-414-3-117/17 od 06.06.2017.godine na Portalu javnih nabavki. Istovremeno, ugovorni organ je omogućio neograničen i direktan pristup tenderskoj dokumentaciji putem Portala javnih nabavki, te se ista nije mogla preuzimati odnosno dostavljati na druge načine propisane Zakonom o javnim nabavkama.

Javno otvaranje ponuda u postupku predmetne nabavke je održano dana 15.06.2017.godine u 12:15h, u Banket sali Generalne direkcije "JP BH POŠTA" d.o.o. Sarajevo, Obala Kulina bana br. 8, o čemu je sačinjen poseban zapisnik broj: 01-13.73-8699-18/17. Po završetku javnog otvaranja ponuda Zapisnik sa otvaranja je poslan ponuđaču.

Komisija je prije samog otvaranja ponuda konstatovala sljedeće:

- da je ukupno 7 (sedam) potencijalnih ponuđača preuzelo tendersku dokumentaciju sa Portala javnih nabavki
- da je do roka za dostavljanje ponuda pristigla 1 (jedna) ponuda
- da je koverta neoštećena, uredno zapakovana i zapečaćena
- da je na kovertu stavljen redni broj prema kojem se utvrđuje redoslijed otvaranja i čitanja ponude, prema vremenu dostavljanja na Protokol



"JP BH POŠTA" d.o.o. Sarajevo, Obala Kulina bana 8, 71000 Sarajevo, BiH

Tel: +387 33 252 613; Fax: + 387 33 252 743; e-mail: kabinet@posta.ba

Opcinski sud u Sarajevu br. rješenja 065-0-Reg-06-001196

Identifikacioni br. 4200682210005; PDV br. 200682210005; Porezni br. 01079729

kontakt centar

1312

www.posta.ba

Komisija je prilikom otvaranja ponuda javno saopštila podatke o nazivu i sjedištu ponuđača, ukupnu cijenu ponude i eventualni popust, ne praveći uvid u sadržaj i validnost dostavljene dokumentacije.

Javno otvaranje ponuda završeno je bez primjedbi na sam postupak.

Na Protokol Društva do roka određenog za prijem ponuda ( 15.06.2017.godine do 12.00h), pristigla je ponuda slijedećeg ponuđača:

**1. „BIROFORM DNS“ d.o.o. Sarajevo, Džemala Bijedića broj 2, 71000 Sarajevo**

S obzirom da je tačkom 6.1. tenderske dokumentacije propisano da će se u ovom postupku javne nabavke provesti e-aukcija na Portalu javnih nabavki, te kako je komisija utvrdila da je za predmetnu nabavku pristigla jedna prihvatljiva ponuda, u skladu s Pravilnikom o uslovima i načinom korištenja e-aukcije („Službeni glasnik BiH“ broj 66/16) se nisu stvorili uslovi da se ista zakaže.

Nakon izvršenog otvaranja ponude Komisija je pristupila analizi dokumentacije priložene uz ponudu u smislu provjere njene validnosti, obzirom na zahtjeve ugovornog organa iskazane u tenderskoj dokumentaciji, odnosno vrednovanju ponude, a u skladu sa procedurama i pravilima utvrđenim Zakonom o javnim nabavkama i podzakonskim aktima i Pravilnikom o javnim nabavkama ugovornog organa, te konstatovala slijedeće:

1. Da je ponuđač „**BIROFORM DNS“ d.o.o. Sarajevo** dostavio ponudu u iznosu od **9.157,90 KM bez uračunatog PDV-a**, u potpunosti ispunjava sve pravne, ekonomske i tehničke uslove utvrđene tenderskom dokumentacijom, te je ista ocijenjena kao formalno- pravno, ekonomski i tehnički prihvatljiva.

Na osnovu navedenog činjeničnog stanja te primjene preferencijalnog tretmana domaćeg isključivo u svrhu poređenja ponuda, rang lista ponuđača koji su ispunili kvalifikacione uslove je slijedeća:

Red. broj	Naziv ponuđača	Ukupna cijena ponude bez PDV-a, (KM)
1	„BIROFORM DNS“ d.o.o. Sarajevo	9.157,90 KM

Obzirom da ponuda ponuđača „**BIROFORM DNS“ d.o.o. Sarajevo** u ukupnom iznosu od **9.157,90 KM bez uračunatog PDV-a** u potpunosti odgovara traženim tehničkim zahtjevima ugovornog organa, da ovaj ponuđač ispunjava sve formalno-pravne, tehničke i ekonomske uslove odnosno zahtjeve ugovornog organa, odnosno da je njegova ponuda prihvatljiva za ugovorni organ, data je preporuka ugovornom organu da se u predmetnom postupku javne nabavke izvrši dodjela ugovora navedenom ponuđaču.

Cijeneći navedeno donesena je odluka kao u dispoziciji.

GENERALNI DIREKTOR

Mirsad Mujić

**PRAVNA POUKA:**

Svaki ponuđač koji ima legitiman interes za konkretan ugovor o javnoj nabavci i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnim nabavkama i /ili podzakonskih akata ima pravo uložiti žalbu ugovornom organu u roku od 5 (pet) dana po prijemu odluke o izboru, shodno članu 99. i članu 101. Zakona o javnim nabavkama.

Dostaviti:

- Glavni poštanski centar (Nosilac posla)
- Sektor za EKF poslove
- Služba Marketinga (za objavu)
- Stručni tim za Javne nabavke
- a/a



"JP BH POŠTA" d.o.o. Sarajevo, Obala Kulina bana 8, 71000 Sarajevo, BiH

Tel: +387 33 252 613; Fax: + 387 33 252 743; e-mail: kabinet@posta.ba

Općinski sud u Sarajevu br. rješenja 065-0-Reg-06-001196

Identifikacioni br. 4200682210005; PDV br. 200682210005; Porezni br. 01079729

kontakt centar

1312

www.posta.ba